

Izveštaj o radu Uprave policije MUP-a Kantona Sarajevo za mjesec oktobar 2019. godine

KRIMINALITET

STATISTIČKI POKAZATELJI

U mjesecu oktobru 2019. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 445 događaja sa obilježjem krivičnog djela (51 ili 12,9% više u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 249 ili 56% je evidentirano po poznatom izvršiocu, a 196 ili 44% po nepoznatom izvršiocu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 282 obavijesti (152 više) o događajima u kojima je pričinjena neznatna materijalna šteta¹.

Od ukupno 196 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 54 ili 27,6% (što je za 5,4% manje u odnosu na uporedni mjesec) od čega su 24 registrovana tokom izvještajnog mjeseca, a 30 u ranijem periodu.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU OKTOBRU 2019/18. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
OKTOBAR 2019. GODINE	445	249	196	54	30	292	14	162	127
OKTOBAR 2018. GODINE	394	203	191	63	32	262	7	144	107
<i>uporedba</i>	<i>51</i>	<i>46</i>	<i>5</i>	<i>-9</i>	<i>-2</i>	<i>30</i>	<i>7</i>	<i>18</i>	<i>20</i>
	<i>12,9%</i>	<i>22,7%</i>	<i>2,6%</i>	<i>-14,3%</i>	<i>-6,3%</i>	<i>11,5%</i>	<i>100%</i>	<i>12,5%</i>	<i>18,7%</i>

Zbog postojanja osnova sumnje da su učestvovali u izvršenju događaja sa obilježjem krivičnog djela prijavljena su 292 lica (30 više), od čega su 162 povratnika (18 više) (ili 55,5% od ukupnog broja prijavljenih lica), 14 maloljetnika (sedam više), a 127 lica je lišeno slobode (20 više).

¹ Događaj sa obilježjem krivičnog djela (krivični ili kriminalni događaji) koji se u skladu sa odlukom nadležnog tužioca može transformisati u krivično djelo ili u prekršaj ili u neskrivljeni društveno opasan događaj

Za događaje sa obilježjem krivičnog djela koji su evidentirani u mjesecu oktobru 2019. godine, prema izjavama oštećenih lica, nastupila je materijalna šteta u ukupnom iznosu od 426.239,86 KM i 800 €.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU OKTOBRU 2019/18. GODINE NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	OKTOBAR 2019.	OKTOBAR 2018.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	21	24	-3	-12,5%	21	0	0	---
Protiv slobode i prava čovjeka i građ.	20	21	-1	-4,8%	20	0	0	---
Protiv spolne slobode i morala	9	1	8	800%	9	0	1	---
Protiv braka, porodice i mladeži	31	25	6	24%	31	0	0	---
Protiv zdravlja ljudi	47	55	-8	-14,5%	47	0	0	---
Protiv imovine	237	220	17	7,7%	46	191	49	25,7%
Protiv okoliša	1	0	1	---	1	0	0	---
Protiv opće sigurnosti ljudi i imovine	9	14	-5	-35,7%	7	2	0	0%
Protiv sigurnosti javnog prometa	11	10	1	10%	11	0	0	---
Protiv pravosuđa	3	5	-2	-40%	3	0	0	---
Protiv javnog reda i pravnog prometa	43	10	33	330%	40	3	4	133,3%
Protiv podmićivanja i KD protiv službene i druge odgovorne dužnosti	11	2	9	450%	11	0	0	---
Protiv slobode i prava čovjeka i građanina (KZBiH)	0	1	-1	---	0	0	0	---
ZONDINOiM-a (Sl.novine KS br.01/18)	2	6	-4	-66,7%	2	0	0	---
UKUPNO	445	394	51	12,9%	249	196	54	27,6%

U mjesecu oktobru 2019. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 51 ili 12,9%. Najznačajnije povećanje zabilježeno je u oblastima protiv javnog reda i pravnog prometa (za 33 događaja) i imovine (za 17), dok je najznačajnije smanjenje evidentirano u oblasti protiv zdravlja ljudi (za osam) i opće sigurnosti ljudi i imovine (za pet događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom oktobra 2019. godine evidentiran je 21 događaj sa obilježjem krivičnog djela iz oblasti protiv života i tijela (tri manje u odnosu na oktobar 2018 godine) i to:

- ubistvo (član 166. KZ FBiH) - jedno (isto kao u uporednom mjesecu),
- čedomorstvo (član 169. KZ FBiH) - jedno (nije bilo ovih događaja u uporednom mjesecu),
- teška tjelesna ozljeda (član 172. KZ FBiH) – četiri (pet manje),
- lahka tjelesna ozljeda (član 173. KZ FBiH) – 13 (dva više),
- učestvovanje u tuči (član 174. KZ FBiH) - jedno (isto) i

- nepružanje pomoći (član 175.KZ FBiH) - jedno (nije bilo ovih događaja u uporednom mjesecu).

Nadležnom tužilaštvu podneseni su službeni izvještaji protiv 32 lica (četiri više), od koji je 13 povratnika ili 40,6%, a osam je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 događaja sa obilježjem krivičnog djela (jedno manje) i to: ugrožavanje sigurnosti - 18, protupravno lišenje slobode i otmica u pokušaju - po jedno, za čije izvršenje evidentirano je 20 lica, od kojih je 14 povratnika (ili 70%), a četiri su lišena slobode.

Događaji sa obilježjem krivičnog djela ugrožavanja sigurnosti izvršiocima su upućivanjem verbalnih prijetnji, pisanih - prijetećih poruka i sl ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu oktobru evidentiran je 31 događaj sa obilježjem krivičnog djela (šest više) i to - nasilje u porodici, za čije izvršenje su prijavljena 32 lica, od kojih je 16 (ili 50%) povratnika i 16 lica je lišeno slobode.

PROTIV ZDRAVLJA LJUDI

Evidentirano je 47 događaja iz oblasti protiv zdravlja ljudi (osam manje) i to:
 - neovlašćena proizvodnja i stavljanje u promet opojnih droga (čl. 238. KZ FBiH) – tri,
 - posjedovanje i omogućavanje uživanja opojnih droga (čl. 239. KZ FBiH) – 44.

Nadležnom tužilaštvu podneseni su službeni izvještaji protiv 48 lica, među kojima je 31 povratnika (ili 64,6%), a 32 su lišena slobode.

PREGLED ODUZETE KOLIČINE OPOJNIH DROGA U MJESECU OKTOBRU 2019/18. GODINE

vrsta opojne droge	oktobar 2019. godine	oktobar 2018. godine
Marihuana (u gramima)	2.071	311
Marihuana (paketići)	58	28
Marihuana (ručno ravnjene cigarete)	6	5
Heroin (paketići)	1	---
Amfetamin (paketići)	---	7
Amfetamin (u gramima)	35	93
Ecstasy (tablete)	42,5	53
Cannabis (stabljike)	1	---
Pribor sa ostacima droge	12	9

PROTIV IMOVINE

U ovom mjesecu, evidentirano je 237 događaja sa obilježjem krivičnog djela protiv imovine, što je za 17 više u odnosu na isti mjesec prošle godine. Iz ove oblasti najbrojniji su događaji:

- teška krađa (član 287. KZ FBiH) – 104 (17 manje),

- krađa (član 286. KZ FBiH) – 60 (24 više),
- razbojništvo (član 289. KZ FBiH) – 29 (devet više),
- oštećenje tuđe stvari (član 293. KZ FBiH) – 17 (tri više),
- utaja (član 290. KZ FBiH) - deset (tri više).

Nadležnom tužilaštvu podneseni su službeni izvještaji protiv 68 lica, od kojih su 54 povratnika ili 79,4%, a 35 je lišeno slobode.

Od ukupno 191-nog događaja evidentiranog po nepoznatom izvršiocu iz oblasti protiv imovine naknadno je rasvijetljeno 49 ili 25,7% što je za 5,4% manje u odnosu na oktobar 2018. godine.

Tokom mjeseca oktobra ove godine prema objektima izvršenja od ukupnog broja teških krađa, 55 je izvršeno u stambenim objektima (šest više u odnosu na uporedni mjesec), 29 u motornim vozilima (otuđenja motornih vozila i “provale” u ista) (17 manje), 11 u poslovnim prostorima (tri manje), itd.

Takođe, evidentirano je 12 otuđenja motornih vozila od čega je devet ili 75% pronađeno i vraćeno vlasnicima (od strane Uprave policije MUP-a KS vraćeno je šest vozila, drugih MUP-ova dva i vlasnik je pronašao jedno vozilo).

Broj otuđenja motornih vozila, u odnosu na uporedni mjesec, znatno je smanjen i to za 23 ili 65,7%, a zbog postojanja osnova sumnje da su učestvovali u njima, nadležnom tužilaštvu u mjesecu oktobru 2019. godine podneseni službeni izvještaji protiv četiri lica (tri manje).

Evidentirano je 60 događaja sa obilježjem krivičnog djela krađe (24 više), i to na ulici 21 put, u poslovnim prostorijama - 16, u stambenim objektima - devet, u vozilima i na stajalištima GRAS-a - šest, u ugostiteljskim objektima - tri, itd. odakle su otuđivani novčanici, mobiteli, tehnička roba, alati, auto dijelovi, itd.

Evidentirano je 16 događaja sa obilježjem krivičnog djela teških krađa na naročito opasan ili naročito drzak način (jedno više), u kojima su izvršiocu, upotrebom fizičke snage (otimanjem i trganjem) - 11 puta i verbalnom prijetnjom u pet slučajeva, otimali mobitele, novac i tašne, a evidentirani su: 11 puta na ulici, tri u prodavnici, dva puta na stajalištima GRAS-a i u apoteci - jedno. Nadležnom tužilaštvu podneseni su službeni izvještaji protiv četiri lica.

U mjesecu oktobru ove godine evidentirano je 29 događaja sa obilježjem krivičnog djela razbojništva (devet više). Nadležnom tužilaštvu podneseni su službeni izvještaji protiv 12 lica od kojih je 11 povratnika (ili 91,7%), a devet je lišeno slobode.

Od ukupno 27 razbojništava prijavljenih po nepoznatom izvršiocu naknadno je rasvijetljeno devet ili 33,3%.

Razbojništva su izvršena prijetnjom upotrebe vatrenog oružja - 13 puta, prijetnjom upotrebe noža ili drugog oštrog predmeta – sedam i upotrebom fizičke snage – devet puta, a počinjena su u poslovnim prostorijama - 15 puta, na ulici - osam, u apotekama - tri, na benzinskoj pumpi, sportskoj kladionci i banci - po jedno. Otuđivan je novac, mobiteli, nakit, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (pet manje) i to: izazivanje opće opasnosti - sedam i nesavjesno čuvanje pasa i drugih opasnih životinja - dva, za čije izvršenje su nadležnom tužilaštvu podneseni službeni izvještaji protiv sedam lica, a dva su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru - šest puta i u stambenom objektu - jedno. Tri puta je pucano iz vatrenog oružja i u četiri slučaja je otvorenim plamenom izazvan požar. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirana su 43 događaja sa obilježjem krivičnog djela (33 više) i to: krivotvorenje isprave - 31, nasilničko ponašanje - šest, napad na službenu osobu u vršenju poslova sigurnosti i skidanje ili povreda službenog pečata ili znaka - po dva, lažno predstavljanje i nedozvoljeno držanje oružja ili eksplozivnih materija - po jedan.

Nadležnom tužilaštvu podneseni su službeni izvještaji protiv 56 lica od kojih je 17 povratnika (ili 30,4%), a 23 su lišena slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu oktobru 2019. godine evidentirano je 13 događaja, u kojima je učestvovalo 14 maloljetnih lica. U odnosu na isti mjesec 2018. godine, broj maloljetnih učinilaca povećan je za sedam ili 100%, a broj događaja sa obilježjem krivičnog djela povećan je za šest ili 85,7%.

Starosna dob maloljetnih lica za mjesec oktobar 2019. godine

Starosna dob maloljetnika	do 14 godina	od 14 do 16 god.	od 16 do 18 god.	ukupno
Broj maloljetnih izvršilaca	1	8	5	14

Među prijavljenim maloljetnim učiniocima, devet su u dobi do 16 godina i pet u dobi između 16 i 18 godina, a tri maloljetnika su povratnici.

Struktura događaja sa obilježjem krivičnog djela u mjesecu oktobru 2019/2018. godine

(KZ FBiH) događaja sa obilježjem krivičnog djela	oktobar 2019.	oktobar 2018.
čedomorstvo	1	
teška tjelesna ozljeda	2	
lahka tjelesna ozljeda	1	
učestvovanje u tuči	1	
ugrožavanje sigurnosti	2	3
bludne radnje	1	
zadovoljenje pohote pred djetetom ili maloljetnikom	1	
posjedovanje i omog. uživanja opojnih droga	1	
teška krađa na naročito opasan ili drzak način		1

razbojništvo	2	
lažno prijavljivanje		3
utaja	1	
UKUPNO	13	7

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca oktobra 2019. godine na području Kantona Sarajevo evidentiran je jedan slučaj aktiviranja minsko-eksplozivnih sredstava (nije bilo u oktobru 2018. godine) usljed čega je nastupila materijalna šteta. Preduzimaju se aktivnosti na rasvjetljavanju ovog slučaja i pronalaženju učinilaca.

U oktobru 2019. godine evidentirano je šest anonimnih dojava o postavljenoj eksplozivnoj napravi (nije bilo u oktobru 2018. godine), a odnosile su se uglavnom na srednje škole (JU Srednja škola za tekstil, kožu i dizajn – četiri, JU Gimnazija Obala i zgrada suda - po jedna). Nakon KDZ pregleda utvrđeno je da su dojave bile lažne, preduzimaju se aktivnosti na rasvjetljavanju ovih slučajeva i pronalaženju učinilaca.

POŽARI

Tokom mjeseca oktobra 2019. godine, na području Kantona Sarajevo registrovan je 21 požar (pet više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, 11 požara je izazvano namjerno, dva nehatom, dva zbog tehničkih nedostataka, dok uzroci šest požara spadaju u kategoriju ostalih.

Objekti registrovanih požara bili su:

- Stambeni objekat – osam puta,
- Saobraćajno sredstvo – šest,
- Poslovni prostor – tri,
- Pomoćni objekat – jednom,
- Ostali objekti – tri puta.

Zbog izazivanja požara nadležnom tužilaštvu podneseno je osam službenih izvještaja: četiri iz člana 323. KZ FBiH (izazivanje opće opasnosti) i četiri iz člana 301. KZ FBiH-a (paljevina).

SAMOUBISTVA

U mjesecu oktobru 2019. godine na području Kantona Sarajevo registrovana su tri samoubistva (isto kao u mjesecu oktobru prošle godine) koja su izvršena: vješanjem- dva puta i skakanjem sa visine – jednom.

Izvršioi su tri muškarca starosne dobi: 37 godina (jedan) i preko 70 godina (dva).

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pištolja, tri puške, četiri noža, 366 komada municije raznog kalibra, itd.

Tokom mjeseca oktobra ove godine fizičkim licima izdato je 108 odobrenja za nabavku vatrenog oružja i 86 oružnih listova.

JAVNI RED I MIR

U toku mjeseca oktobra 2019. godine u oblasti protiv javnog reda i mira evidentirano je 337 prekršaja (nalog – 265, zahtjeva za pokretanje prekršajnog postupka - 72), što u odnosu na isti mjesec 2018. godine predstavlja smanjenje za 54 ili 13,8%. Za izvršenje navedenih prekršaja prijavljeno je 364 lica (53 ili 12,7% manje).

Na prekršaje utvrđene Zakonom o prekršajima protiv javnog reda i mira odnosi se 296 prekršaja (ili 87,8%), a na prekršaje koji su utvrđeni Odlukom općinskih vijeća o javnom redu i miru 41 ili 12,2%.

Od ukupnog broja prijavljenih lica, 40 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (228), između 26 i 35 godina (79), 19 i 25 godina (52) i do 18 godina – pet učinilaca.

Prilikom narušavanja javnog reda i mira u mjesecu oktobru 2019. godine, nije bilo teže povrijeđenih lica (kao ni u istom mjesecu 2018. godine), dok je 15 lica (jedno manje) lakše povrijeđeno.

Tabelarni pregled strukture prekršaja iz oblasti javnog reda i mira
za mjesec

STRUKTURA PREKRŠAJA	oktobar 2019.	oktobar 2018.	+ - %	
UKUPNO NALOGA I ZAHTJEVA	337	391	-54	13,8
UKUPNO LICA	364	417	-53	12,7
Prekršaji iz Zakona o prekršajima protiv JRiM:	296	340	-44	12,9
<i>-Tuče</i>	38	31	+7	22,6
<i>-Naročito drsko ponašanje</i>	46	43	+3	7
<i>-Odbijanje naređenja i omalov. policijskih službenika</i>	33	38	-5	13,1
<i>-Svađa, vika, nepristojno ponašanje</i>	5	10	-5	50
<i>-Uživanje opojne droge na javnom mjestu</i>	4	7	-3	42,8
<i>-Neovlaštena upotreba oružja</i>	---	---	---	---
<i>-Paljenje petardi</i>	---	---	---	---
<i>-Prosjačenje</i>	123	165	-42	25,4
<i>-Ostali prekršaji iz Zakona o prekrš. protiv JRiM</i>	47	46	+1	2,2
Prekršaji prema Odluci OV o JRiM	41	51	-10	19,6

Prema vrsti prekršaja, najbrojniji su sljedeći prekršaji: prosjačenje (123 ili 36,5% od ukupnog broja), naročito drsko ponašanje (46 ili 13,6%), tuče (38 ili 11,3%), odbijanje naređenja i omalovažavanje policijskih službenika (33 ili 9,8%). Takođe, evidentirano je 47 prekršaja iz kategorije ostali prekršaji i 41 prekršaja koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih odbijanjem naređenja i omalovažavanjem policijskih službenika, tučom, svađom, vikom, nepristojnim ponašanjem, uživanjem opojne droge na javnom mjestu i prosjačenjem, dok je broj ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (302 ili 89,6%), a znatno manje u ugostiteljskim objektima (13 ili 3,8%), u školama i školskim dvorištima (pet), a na ostalim mjestima 17 prekršaja.

Tabelarni pregled strukture prekršaja iz oblasti javnog reda i mira prema mjestu izvršenja za mjesec oktobar 2019/2018. godine

MJESTO IZVRŠENJA	oktobar 2019.	oktobar 2018.	+ - %	
Ulice i drugi otvoreni prostori	302	358	-56	15,6
Ugostiteljski objekti	13	12	+1	8,3
Sportski stadioni i dvorane	---	---	---	---
Vozila javnog saobraćaja	---	---	---	---
Škole i školska dvorišta	5	2	+3	150
Trgovinske i zanatske radnje	---	1	-1	100
Ostala mjesta	17	18	-1	5,5
UKUPNO	337	391	-54	13,8

U odnosu na isti mjesec 2018. godine, smanjen je broj prekršaja evidentiranih na ulicama i drugim otvorenim prostorima, trgovinskim i zanatskim radnjama i ostalim mjestima, a povećan broj prekršaja u ugostiteljskim objektima i školama i školskim dvorištima.

Na području Kantona Sarajevo u mjesecu oktobru 2019. godine održano je 317 javnih skupova (175 ili 123,2% više u odnosu na mjesec oktobar 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 35 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu oktobru 2019. godine u odnosu na isti mjesec prethodne godine povećan je ukupan broj saobraćajnih nezgoda, nezgoda sa materijalnom štetom i broj povrijeđenih lica. Broj nezgoda sa nastradalim licima isti je kao u mjesecu oktobru prošle godine.

Registровано je 826 saobraćajnih nezgoda (17 ili 2,1 % više u odnosu na mjesec oktobar prethodne godine), od čega je 746 sa materijalnom štetom (17 ili 2,3 % više) i 80 sa nastradalim licima (isti broj). U navedenim nezgodama 101 lice je povrijeđeno (pet ili 5,2 % više), od čega 17 teže i 84 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC OKTOBAR 2019./18. GODINE

	OKTOBAR 2019	OKTOBAR 2018	+, -, %
UKUPNO SAOBRAĆAJNIH NEZGODA	826	809	+ 17 ili 2,1 %
Saobraćajne nezgode sa nastradalim licima	80	80	isto
Saobraćajne nezgode sa materijalnom štetom	746	729	+ 17 ili 2,3 %
POGINULO LICA	0	1	- 1
- vozači	0	1	- 1
- putnici	0	0	-----
- pješaci	0	0	-----
POVRIJEĐENO LICA	101	96	+ 5 ili 5,2 %
- vozači	59	38	+ 21 ili 55,3 %
- putnici	21	32	- 11 ili 34,4 %
- pješaci	21	26	- 5 ili 19,2 %

U naselju su registrovane 783 saobraćajne nezgode (76 sa povrijeđenim licima i 707 sa materijalnom štetom), van naselja 43 nezgode (četiri sa povrijeđenim licima i 39 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU OKTOBRU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		17	59	707	783		17	79
van naselja			4	39	43			5
UKUPNO		17	63	746	826		17	84

Prema kategoriji puta, najveći broj saobraćajnih nezgoda registrovan je:

- na ulicama u naselju – 454 nezgode u kojima su 42 lica povrijeđena (četiri teže i 38 lakše),
- na magistralnim putevima – 116 nezgoda u kojima je 14 lica povrijeđeno (četiri teže i 10 lakše),
- na lokalnim putevima – 57 (pet lica lakše povrijeđeno),
- na regionalnim putevima – 32 (sedam lica povrijeđeno, dva teže i pet lakše),
- na putevima koji se ubrajaju u kategoriju ostalih – 167 saobraćajnih nezgoda (33 lica povrijeđena, sedam teže i 26 lakše).

POSLJEDICE SAOBRAĆAJNIH NEZGODA

Tokom mjeseca oktobra 2019. godine, u saobraćajnim nezgodama na području Kantona Sarajevo povrijeđeno je ukupno 101 lice (pet ili 5,2 % više), od čega 17 teže i 84 lakše. Poginula lica nisu registrovana, dok je u istom mjesecu prošle godine jedno lice poginulo.

STEPEN POVREDA UČESNIKA U SAOBRAĆAJNIM NEZGODAMA

- Vozači :
59 vozača povrijeđeno (devet teže, 50 lakše)
- Putnici:
21 putnik povrijeđen (dva teže, 19 lakše)
- Pješaci:
21 pješak povrijeđen (šest teže, 15 lakše)

Starosna dob nastradalih lica u saobraćajnim nezgodama je slijedeća:

- ispod 6 godina – jedno lice,
- od 6 do 14 godina – pet,
- od 15 do 24 godine - 22,
- od 25 do 30 godina – 16,
- od 31 do 40 godina – 23,
- od 41 do 50 godina – 11,
- od 51 do 65 godina -devet,
- od 66 i više godina – 11,
- nepoznata starosna dob – tri lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina – 27 lica,
- od 30 do 40 godina – 16,
- od 40 do 50 godina – osam,
- od 50 do 60 – tri,
- od 60 i više godina – tri,
- nepoznata starosna dob – dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 717 (68 lica povrijeđeno, devet teže i 59 lakše),
- neprilagođena brzina – 105 (27 lica povrijeđeno, pet teže i 22 lakše),
- uticaj alkohola – četiri nezgode (šest lica povrijeđeno, tri teže i tri lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2019. godine, policijski službenici Uprave policije MUP-a Kantona Sarajevo kontrolisali su:

- 21.112 vozila (2.442 više),
- 4.322 lica u vozilima (53 više),
- izvršen je pregled 172 vozila (24 više),
- 130 lica u vozilima je pregledano (14 manje).

Zbog tehničke neispravnosti iz saobraćaja je isključeno 91 vozilo (48 više), 333 vozača su zatečena da upravljaju vozilom pod dejstvom alkohola (59 više), 483 bez korištenja sigurnosnog pojasa (118 više), 240 bez položenog vozačkog ispita (113 više), 95 pod izrečenom zaštitnom mjerom (38 više), 348 vozača je zatečeno da koriste mobilni telefon tokom vožnje (250 manje) i 854 vozila koja su učestvovala u saobraćaju bez važeće registracije (713 više).

Zbog kršenja propisa iz oblasti sigurnosti saobraćaja uručen je 23.081 prekršajni nalog vozačima (5.498 ili 31,3 % više u odnosu na mjesec oktobar prošle godine) i podnesen 171 zahtjev za pokretanje prekršajnog postupka (135 ili 375 % više).

MIRUJUĆI SAOBRAĆAJ I KONTROLA PJEŠAKA

Tokom mjeseca oktobra 2019. godine kontinuirano su se provodile aktivnosti u pogledu saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 7.873 prekršajna naloga (1.870 više), upozorena 283 vozača (19 manje), a specijalnim vozilom "pauk" premješteno je 227 vozila (pet više).

Takođe, pješacima koji su kršili propise uručena su 243 prekršajna naloga (54 više), a upozorena su 64 pješaka (24 više).

ZAKONITOST U RADU

Tokom mjeseca oktobra 2019. godine, registrovana su dva pojedinačna napada (tri manje) na policijske službenike. Napade su upotrebom fizičke snage počinila dva punoljetna lica koja su lišena slobode.

Tokom mjeseca oktobra tekuće godine registrovan je jedan slučaj opravdane upotrebe sile (tri manje u odnosu na mjesec oktobar prethodne godine).

Tokom izvještajnog mjeseca, razmatrane su 44 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 18 predavki (11 više) provede unutrašnja istraga. Za 15 predavki je odlučeno da se izvrše provjere i prikupi dokumentacija, za sedam da su neosnovane, za dvije da je Odbor nenadležan, za jednu da se prosljedi Četvrtoj PU na nadležno postupanje i zatraži povratna informacija o poduzetim aktivnostima, dok je jedna predstavka prosljeđena Sektoru kriminalističke policije na očitovanje.

Od ukupno 44 razmatrane predstavke, 39 je podneseno od strane građana, dok pet predavki predstavljaju saznanja iz službe.

Okončano je 26 unutrašnjih istraga, među kojima je 11 osnovanih, šest je bilo bez dovoljno dokaza, četiri su neosnovane, tri oslobađajuće, u jednom slučaju stranka je odustala od žalbe, dok je u jednom slučaju istraga upućena na dopunu.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Obavljajući svoje redovne aktivnosti službenici policije su vršili obilaske mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Tokom mjeseca oktobra 2019. godine su realizovane su radionice u okviru prevencije maloljetničkog prijestupništva, na teme: "Kako biti odgovoran građanin" i "Zaštitimo se od sayber kriminala", učenicima srednjih škola.

Sarajevo, 15.11.2019.godine

Odjeljenje za odnose s javnošću